

Poštivanje jednakosti svih konstitutivnih naroda i svih građana širom BiH



Ustavni sud Federacije BiH je u maju 2018. godine utvrdio da nekoliko odredbi ustava Posavskog, Hercegovačko-neretvanskog i Zapadnohercegovačkog kantona krše Ustav Federacije BiH, jer ne priznaju konstitutivnost srpskog naroda, srpski i bosanski jezik kao službene jezike i ćirilično pismo kao jedno od dva službena pisma. Sud je stoga naložio da ove tri kantonalne skupštine izmijene svoje ustave u roku od 6 mjeseci. Nijedna skupština to do sada nije učinila.

“Osiguranje istih prava za sve konstitutivne narode u Bosni i Hercegovini u svakom dijelu zemlje predstavlja temeljni stub Daytonu. Poštivanje prava konstitutivnih naroda, ali i svih građana, jedini je način da se Bosna i Hercegovina razvija kao sigurna i suverena demokratska zemlja koja poštuje evropske vrijednosti”, rekao je visoki predstavnik.

Visoki predstavnik poziva kantonalne skupštine da bez odlaganja provedu odluku Ustavnog suda te podsjeća da, do donošenja izmjena ovih kantonalnih ustava, prednost imaju odgovarajuće odredbe Ustava Federacije BiH koje se direktno primjenjuju.